

新
通
錄
卷
之
一
記
四

女科要訣卷之十三

進賢舒詔馳遠著

論調經

大凡經水不調必皆因病而致無病之婦蓋未有不調者也經
云女子七歲而齒二七而天癸至月事以時下交媾而成孕七
七而天癸絕地道不通而無子乃天然不易自然而然安得有
所謂經水不調者哉蓋爲病所阻營衛經輸不能自裕運行升
降皆失其常以致月事愆期或前或後不以時下倘若不能分
經辨証按法治病徒用調經諸藥不但經不能調其病不除而
不死者幾希矣必求其所以致病之由或爲六淫外邪或爲七
情內傷或爲飲食傷脾或爲痰飲阻隔或本氣多火迫血妄行

而經無常或素稟虛寒陽氣不運而血凝滯或經水短澇由于陰精枯涸或崩中帶下皆因脾胃氣虛凡此務宜審其病屬何經察其本氣辨其陰陽確有所據而後接法以治其病而營衛經輸各自流通運行升降悉如其常則經自調矣所謂治其病卽所以調其經上乘法也

從來女科皆重在調經謂經不調不能受孕故專以調經爲主自予觀之殊屬不然常見有子之婦無論經水調與不調皆能受孕其無子者並非五不女之類雖月信如期身終無產此蓋天地造化之妙有莫之爲而爲者不可得而知也其調經之說竟可以不必而治病之道必不可不講若病不除匿但不孕命且去矣故討以治病爲主眞要訣也推之安胎催生亦皆當以

治病爲主其法屢試屢驗其理可信可憑女科諸方概不足錄
予非敢謬然臆說剝削前賢竊恐貽悞後世寔出于不得已也
同志君子當必有以諒之

六淫外邪乃風寒暑濕燥火六氣也六氣爲病各不相同然
不外乎六經以六經之法按而治之而更察其本氣辨其虛
是則皆得之矣

七情爲病不必穿鑿于所因統而言之皆爲抑鬱憤懣之氣
阻遏胸中以致飲食漸減則生化之源漸窒因而經水漸白
不調法主宣暢胸膈條達脾胃收攝腎氣方中宜用黃芪白
朮茯苓遠志砂仁白蔻半夏桔梗故紙兔絲更當相其本氣
而爲加減

客問憂鬱成病迢迢散可用乎曰不可名雖善而禁不通凡
憂愁憤懣則胸中鬱結其氣消阻主平靜而生陰則爲病
能受人勸則情懷舒暢其氣發揚主平動而生陽病故愈
蓋爲憂鬱一段陰氣痞塞胸中飲食不下憤懣增劇斯時不
爲宜暢胸膈條達脾胃而反用柴胡薄荷重耗其陽更加當
歸白芍愈滋其陰而不死者亦罕矣

飲食傷脾者宜用砂仁神曲人參白朮等藥

痰火阻隔者宜用六君加炮姜草果等藥

火刑迫血妄行者宜用生地丹皮梔子仁童便涼血活血等
藥更加參芪補其氣以統攝之

參稟虛寒者宜用水附姜桂參芪等藥

血虛肝燥陰精枯涸者宜用歸地歸之等藥

脾虛氣弱不能統攝而爲血崩者宜用人參黃芪白朮山藥

欠實故紙鹿茸之類

凡血妄行者或上溢而爲吐血或下行而爲崩漏均爲脾虛不能統攝所致法宜大補中氣一定之理也且有妄行于後陰者曾答門人馬貫一云一婦人奇証每當期腹中痛連少腹引入陰中其經血不行于前陰反從後陰而行三日則腹痛諸証俱已次月當期亦復如是此爲何証當用何法予以此太陰脾氣虛弱不能統攝少陰真陽素虧陰寒內結而爲腹痛侵入厥陰則痛連少腹引入陰中其証爲總三陰寒極阻截前陰經血不能歸于衝任而直趨入腸宜用人參黃芪

扶苓白朮以大補中氣附子肉桂乾姜砂仁以驅少陰之寒
吳黃川椒以散厥陰寒結更加山藥芡寔塊瀉大腸香附萬
年霜引導前陰一定之理也曹一卽依此法爲之調理數月
則經調而受孕矣

女科書雖有調經先去病之說然不能分辨六經按法治病
如所載赤白帶下白淫白濁癰瘰積聚痰癖腸胃石瘕諸証
但執一方而無可遇之理誠恐貽誤後人而是書之所以作
要訣之所以名極知僭越無似寔出于不得已也否則曷敢
更置一喙哉

論閉經

經閉不通者亦必各有所因未有無因而成閉經者也從前女

科諸書不能視病用藥所載方論概不足錄今酌定治病手眼
總在臨証之際詳悉審問察其本氣分別六經辨其寒熱虛實
得其所因確有所據按法爲治其應而响若其人陰虛火旺經
血短少漸至乾枯而經不行者宜用歸地阿膠蒲陰養血丹皮
以瀉血熱降香以行血中之氣香附片以通其經而經自行若
其人陽虛陰盛冷積胞門而血不歸經者法主附桂姜砂以逐
冷積參芪苓朮太補陽氣使陰退陽回而經自行 曾醫龍雲
從之婦經信兩月未行醫用膠艾四物加紅花二十餘劑則飲
食漸減舌胎漸乾且黑謬謂有火再加炒苓又二十餘劑則舌
胎更加芒刺滿口腹膨作泄人事因倦身重惡寒雲從來宮求
治吾曰飲食減少腸膨作泄屬太陰人事因倦身重惡寒屬少

陰胎刺乾黑者陽虛不能薰騰津液之所致也方用芪朮姜附
砂半桂苓故紙等藥六劑而身發大熱者知其泄且久間必自
止又三劑泄止矣身熱漸減而腹中又作大熱雲從恐附于太
過予曰裏陽來復佳兆也積陰可化經當自通又十餘劑而人
事康復飲食加健腹膨俱消舌胎盡退經信行通如故又有爲
精積一証乃因經信當行血海未淨而強交媾精與汚濁互結
而積于胞胎之中以致阻塞經閉不通壯類有孕而証不同有
孕之婦飲食喜惡不常且腹中胎息汨汨微動精積之証悶亂
不安飲食不下腹無胎息可驗東當審其夫果有此事
與否以憑用藥庶不致誤法主
攻堅破積一方用糯米一兩用斑蝥十五個同炒黃色易斑蝥
再炒去斑蝥用糯米花蕊石一兩硫黃五錢同煨爛淨取山土

血五錢 川山甲 炒五錢 製硫黃五錢 無名子五錢 巴豆霜三錢

紅花三錢 桃仁三錢 降真香三錢 硃砂一兩 肉桂五錢 茜茂錢五

白朮五錢 人參五錢 虛寒者加姜附五錢 火旺者去肉桂加大

黃香附五錢 已上俱爲末 神曲糊爲丸 每用開水服五錢 攻通

堅結卽愈 若用藥不得其法 延至牢不可破 無能爲也 有爲

滋痰佔踞 胞胎者 其腹漸大 白帶常來 飲食非如孕婦 喜強不

常 且又無胎息 可驗由其脾胃素虛 而生化之源 留飲壅塞

是以經血不行 兼之腎陽不足 不能化氣而痰乃微 佔踞胞胎

法宜六君子加砂仁 草果 干姜 肉桂 南星 香附等藥 其痰仍隨

白帶良驅而下 其腹漸消 經信復通 可以受孕矣

通經之道 仍在治病 調經門言之已悉 茲不復贅

論安胎

安胎之道法當求其動胎之故然未有無故而胎自墮者于中必有所因或因脾虛氣弱而不能載或因縱慾傷腎而不能安或因攀高或因跌撲凡此均宜大補元氣調理脾腎如參芪苓朮茯苓故紙等藥若火旺加歸地阿膠黃芩虛寒者加附子炮姜肉桂若胃有寒痰加炮姜半夏若兼嘔逆加砂仁白蔻吳茱丁香若三陽外感頭痛壯熱表邪大盛正氣受傷而胎動不安者則當分經解表以去其邪而胎自安若爲三陰中寒陰邪內攻下利厥逆腹中急痛其胎必動宜亟回其陽以驅其陰而胎自安若陽明內結火邪入胃燥渴陰精胞胎立壞外見惡熱不渴舌胎乾燥噴熱如火大便閉結法當亟驅其陽以救其陰能

見幾千早不失其宜胎亦可保

曾醫房媾懷孕三月而患熱病求吾藥吾見其口燥心煩湯
欲飲冷老陽明裏熱也法宜白虎以撤其熱汗出惡熱大便
閉結者胃寒也法宜調胃承氣以蕩其寔口苦咽乾者少陽
腑証也法宜黃芩以瀉腑熱舌胎乾黑芒利滿口者內火燥
乾津液陰欲竭之徵也腹微痛而胎欲動者熱邪逼及胞胎
也若不急行驅陽救陰之法胞胎立壞不可爲矣卽用白虎
湯合調胃承氣加黃芩一劑而熱勢畧殺再投一劑泄下二
次結去津回諸証皆愈其胎卽安此但治其病不必安胎而
無不安者也會見有懷孕五月者卒病中寒頭重如厭腰痛
如折厥逆而惡寒腹痛而胎欲墜法當亟驅其陰以救其陽

而胎自安粗工不辨但用膠艾安胎散數劑而竟隨其胎且斃其生矣

又有懷孕七月者漏下清水時值秋分之後燥令大行乃爲肺經受燥醫者不識謬執成法以爲脾虛而用健脾之藥不効又謂藥不勝病再加大劑十餘服水更加甚而治墮矣其後仍復下水醫謂不產後元氣暴虛更重用大補數劑而証變喘促直視口不能言延予診之肺部洪勁無倫面色焦槁肌膚燥燥鼻鬚扇動吾知其不可爲矣乃詰醫者曰若謂脾虛何所徵驗蓋脾虛者當必自利不渴今大便結硬口乾心煩乃爲燥傷于肺其氣下迫胃中津水長驅而下而反用健脾之藥愈助其燥而肺愈傷今見肺脈洪勁無倫鼻鬚扇動

乃肺氣立絕之候。尚可為哉。醫者不能置候少頃。氣湧而死矣。明年九月又有懷孕七月。受秋燥而漏下清水者。其証與前死者無異。其家懼而求予。禁診視之。依然肺脈湛勁。皮色乾枯。心煩不眠。吾用玉竹、天冬、阿膠、雞子白以清肺燥。桔梗開提甘草和中一劑而効。五劑全愈。可見安胎必當治病。不能除命且去矣。可不慎與。

孕婦小便癃閉不通。女科書名之曰轉胞。謂氣虛則胎下墜。壓翻膀胱為轉胞。因胞系了戾。小便不通。了戾者絞紐也。法主大補中氣。何其謬也。胞為胞胎膀胱為尿。尿並非尿。胞小便不通。關係出竅。十系無干。何必曰胞系了戾。且小便不通名曰癃。閉不宜驟。神法當宣暢胸膈。而醒脾胃。使上焦得

通中樞得運而後氣化能行方宜白朮砂仁半夏肉桂更加
桔梗開提生姜升散
轉運之機乃得先升而後降安投參
苓芪水壅塞不行何
証哉吾觀胎前諸証惟惡阻一証為中
脫停痰可為定例其
証皆有寒熱虛是不
用藥方為妙籌女科
附胎前預服良方

炙黃芪三錢製白朮三

錢白茯苓二錢

西砂仁一錢炙甘草八

分兔絲餅二錢

煨盆子二錢破故紙二

錢廣陳皮六分

右方用煨姜一片水

煎服若體虛者加人參陽虛者加附子

血虛者加歸地火旺者去砂仁加黃芩此方必宜多服自受
孕以後卽服是藥不可歇手俾元氣足則胎自固而無墮胎
之患內氣充則產自易而無產難之厄且臨產不受虧產後
必無病然又胎元足兒體堅無恙此爲培母之後天卽所以
毓兒之先天上乘法也此孕婦有病必當及時治之務令其
患物不可遺其病于產後治之
更難治甚且不救慎之慎之

論催生

孕婦產難亦皆有所由來懷胎十月形完氣足必自分娩產母
無病其產自順今既癸動兒已出胞頭已向下滑爲三五日不
產其中必有所因或爲氣虛不能運送宜用人參黃芪茯苓白
朮補氣之劑或爲血虛津乏而不流利宜用歸地阿膠髮灰龜

板之類或爲疾病侵害以致難產當按六經之法分經用治使病去而產自順醫不知此任用催生諸方無端妄投徒斃其生而已矣

曾見產婦臨盆數日不產者其証嘔吐不止腹中大痛少氣懶言身重無力此少陰証也催生諸方不可用吾用黃芪白朮附子肉桂砂仁半夏炮姜吳萸一劑而嘔止但仍腹痛未減依然少氣無力于是倍加芪朮再投一劑則腹痛止而氣力加健其產如達母子俱無恙

又醫一証發動六日兒已出胞頭已向而下而竟不產醫用催生諸方又用催生靈符又求靈神丹俱無効延予視之其身壯熱無汗頭項腰背強痛此太陽寒傷營也法主麻黃湯作一大